



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-374-7/22**
Datum: **07.11.2022. god**

«Agencija za vodno područje rijeke Save» Sarajevo, rješavajući po zahtjevu Kapković (Abaz) Edina iz Zenice za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta stambeno-poslovnog objekta namjene poslovnog dijela radionica u naselju Perin Han, grad Zenica, na osnovu člana 121. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22) donosi

ZAKLJUČAK

Odbacuje se zahtjev Kapković (Abaz) Edina iz Zenice za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta stambeno-poslovnog objekta namjene poslovnog dijela radionica izgrađenog u naselju Perin Han na zemljištu označenom kao k.č. broj: 499/3 i 499/6 K.O. Perin Han, grad Zenica zbog nepotpunosti dokumentacije i smatra se kao da nije ni podnesen.

Obrazloženje

Kapković (Abaz) Edin iz Zenice, zahtjevom zaprimljenim u Agenciju dana 25.07.2022. godine zatražio je izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta stambeno-poslovnog objekta namjene poslovnog dijela radionica izgrađenog u naselju Perin Han, grad Zenica.

Uz zahtjev nije dostavljena dokumentacija koja je propisana članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-3-40-374-2/22 od 01.08.2022. godine zatraženo od podnosioca zahtjeva da istu dopuni što je i urađeno u ostavljenom roku. U provedenom postupku dostavljena je i pregledana sljedeća dokumentacija:

- Ovjerena kopija lične karte
- Kopija Rješenja o urbanističkoj saglasnosti broj: 06/23-3280/16 izdatog dana 04.08.2016. godine od strane Službe za prostorno uređenje Grad Zenica,
- Kopija Rješenja o odobrenju građenja broj: 06/23-3280/16 za stambeno poslovni objekat na dijelu parcele označene kao k.č. broj: 499/3 K.O. Perin Han, grad Zenica izdatog dana 20.10.2017. godine od strane Službe za urbanizam, imovinsko-pravne, geodetske poslove i katastar nekretnina Grad Zenica,
- Glavni projekat (faza hidroinstalacije) za poslovno stambeni objekat investitora Kapković Edin urađen od strane «A.G.SIMS» d.o.o. Zenica (šifra projekta: 41/16, august 2016. godine).
- Kopija Posjedovnog lista broj 744 izdatog dana 22.07.2022. godine od strane Službe za imovinsko-pravne, geodetske poslove i katastar nekretnina Grad Zenica,
- Kopija katastarskog plana za parcele označene kao k.č. broj: 498/1 i 498/4 K.O. Perin Han, grad Zenica izdatog dana 22.07.2022. godine od strane Službe za imovinsko-pravne, geodetske poslove i katastar nekretnina Grad Zenica,
- Dokaz o uplaćenju upravnoj taksi.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog stambeno-poslovnog objekta i lokaliteta na desnoj obali rijeke Bosne u naselju Perin Han, grad Zenica gdje je isti izgrađen te je sačinjen zapisnik o izvršenom uviđaju broj: UP-1/21-3-40-374-4/22 od 23.08.2022. godine.

U cilju nastavka vođenja postupka i donošenja odgovarajućeg vodnog akta za objekat za koji je podnesen zahtjev, u skladu sa članom 12. stav (4) Pravilnika o sadržaju, obliku, uslovima, načinu izdavanja i čuvanja vodnih akata te članom 26. stav (2), (3) i (4) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20) dopisom broj: UP-1/21-3-40-374-5/22 od 24.08.2022. godine od podnosioca zahtjeva zatraženo je da zahtjev dopuni u roku od 30 dana od dana prijema dopisa sljedećom dokumentacijom:

- Rješenje o legalizaciji ili ovjerena kopija zapisnika o tehničkom pregledu objekta radionice sa nadstrešnicom sa vanjskim uređenjem predmetnog stambeno-poslovnog objekta i naknadno dograđenih objekata.
- Investiciono tehnička dokumentacija - Glavni projekat sistema za prikupljanje i tretman tehnoloških i ostalih onečišćenih otpadnih voda koji treba sadržavati rješenje u kome će biti obrađeno sljedeće: mjesto nastanka, količine i kvalitet otpadnih voda, način njihovog prikupljanja, tretmana i konačne dispozicije jer isto kao takvo ne postoji na terenu. Investiciono-tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva.
- Dinamički plan koji treba da bude urađen u skladu sa članom 26. Uredbe o uslovima ispuštanja otpadnih voda u okoliš i sisteme javne kanalizacije.

Obzirom da zahtjev nije dopunjen u ostavljenom roku, ponovnim dopisom broj: UP-1/21-3-40-374-6/22 od 12.10.2022. godine zatražena je dopuna podneska.

Kako podnosilac zahtjeva nije dopunio svoj zahtjev do naknadno ostavljenog roka, kao ni do dana donošenja ovog Zaključka, to je u skladu sa članom 121. stav (3) Zakona o vodama i članom 218. stav (2) Zakona o upravnom postupku riješeno kao u dispozitivu ovog Zaključka.

Uputa o pravnom lijeku:


Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- Kapković (Abaz) Edin
Pehare br 72, 72000 Zenica
- AVP Sava, ISV – vodna knjiga
- Sektor 40 – arhiva
- Oglasna ploča – AVP Sava